



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
**OPĆINA CENTAR SARAJEVO**  
OPĆINSKI NAČELNIK

---

Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04) i člana 4. Pravilnika o kriterijima i načinu dodjele stipendija za nezaposlene osobe u cilju prekvalifikacije i edukacije u oblasti primjene informacionih tehnologija (IT), broj 04-49-1366 od 26.5.2017. godine i finansijske podrške mjerama aktivne politike zapošljavanja iskazane u Budžetu Općine Centar Sarajevo za 2017 godinu, Općinski načelnik objavljuje

## JAVNI POZIV

ZA UČEŠĆE U PROGRAMU OBUKE ZA PROGRAMERE

ZA STIPENDIRANJE NEZAPOSLENIH OSOBA U CILJU PREKVALIFIKACIJE I EDUKACIJE  
U OBLASTI PRIMJENE INFORMACIONIH TEHNOLOGIJA (IT)

### **Cilj pilot projekta:**

U cilju unapređenja kvaliteta ponude radne snage u informatičkom sektoru, Općina Centar Sarajevo će organizovati intenzivnu stručnu edukaciju i prekvalifikaciju nezaposlenih osoba sa visokom školskom spremom za poslove u oblasti primjene informacionih tehnologija.

Pilot program obuke za programere ima prioritetni cilj da doprinese ponudi radne snage u oblasti primjene informacionih tehnologija na tržištu rada i finansiran je u potpunosti od Općine Centar Sarajevo.

### **Broj polaznika:**

Program se sastoji od dvije faze: prva je pilot faza u kojoj će učestvovati minimalno 15 polaznika (u zavisnosti od finansijskih sredstava i cijene edukacije po jednom korisniku).

Uspješnost pilot faze u sticanju informatičkih znanja u programiranju i ostvareni stepen zapošljavanja će direktno uticati na razvoj projekta u drugoj fazi u pogledu povećanja broja polaznika edukacije u oblasti primjene informacionih tehnologija.

Osim ispunjavanja formalnih kriterija, potencijalni kandidati će polagati test IT sposobnosti i potencijala za rad u IT-u, na osnovu kojeg će biti rangirani.

### **Oblast edukacije:**

U intenzivnom programu obuke obrađivaće se tehnologije: Ember JavaScript, Angular JavaScript, HTML, CSS, ... Moguće su manje korekcije u programskim jezicima u zavisnosti od ponude edukacione ustanove koja će izvoditi obuku.

### **Trajanje edukacije:**

Planirani period edukacije je šest (6) mjeseci sa početkom u septembru mjesecu 2017. godine.

### **Edukaciona ustanova:**

Informatičku obuku će obavljati kvalitetni i sertifikovani edukatori u uređenim i opremljenim prostorima za kvalitetno organizovanje (in-class) IT obuke na području grada Sarajeva.

Polaznicima koji uspješno završe IT obuku u oblasti programiranja biće dodijeljeni međunarodno priznati sertifikati.

Općinski načelnik će zaključiti Ugovor o provođenju IT obuke za informatičke programere sa onom edukacionom ustanovom koja se obaveže da će, za poznatog poslodavca, zaposliti najmanje 85% polaznika.

Općinski načelnik će sa odabranim kandidatima, koji su pokazali najbolje rezultate na testiranju, zaključiti Ugovor o stipendiranju troškova edukacije u stopostotnom (100%) iznosu, u kojem će se regulisati međusobna prava i obaveze.

Polaznici IT obuke za programere u Ugovoru o stipendiranju se moraju obavezati:

- da će redovno pohađati nastavu i vježbe prema programu edukacione ustanove, te pristupati redovnom polaganju ispita
- da će nakon uspješnog završetka edukacije, sticanja sertifikata i zapošljavanja u IT sektoru, ostati najmanje 5 godina u Bosni i Hercegovini.

#### **Trajanje poziva:**

Javni poziv ostaje otvoren 30 dana od dana objavljivanja u dnevnim novinama i općinskoj web stranici.

#### **Kandidati za dodjelu stipendija moraju zadovoljiti sljedeće kriterije:**

1. Da su prijavljeni na Birou za zapošljavanje najmanje 1 godinu
2. Da imaju završeno fakultetsko obrazovanje, osim završenih fakulteta informatičke struke.
3. Da su stanovnici općine Centar Sarajevo najmanje 3 godine

#### **Dokazi:**

- Potvrda o nezaposlenosti
- Kopija diplome
- Potvrda o kretanju (izdaje PU Centar Sarajevo)

#### **Način prijave i izbor kandidata:**

Po objavi Javnog poziva vršiće se on-line prijavljivanje preko općinske web stranice [www.centar.ba](http://www.centar.ba), najkasnije do 12.7.2017. godine (do 24,00 sata).

Svi kandidati prilikom on-line prijave treba da dostave tačne podatke kojim dokazuju da ispunjavaju postavljene kriterije.

Svi kandidati koji na osnovu on-line prijave ispunjavaju utvrđene kriterije pristupiće testiranju, koje obavlja edukaciona ustanova. Cilj testiranja je utvrđivanje sposobnosti kandidata za obavljanje poslova programera. Testovi će biti psihološki (kognitivni potencijal, stil rješavanja problema, testovi ličnosti i selektivni bihevioralni intervju). Na osnovu rezultata testiranja izvršiće se rangiranje kandidata.

Nakon završenog testiranja, **odabrani kandidati su u obavezi da dostave originale ili ovjerene kopije dokumenata**. Kandidati koji su uspješno prošli testiranje, a ne dostave original ili ovjerenu kopiju tražene dokumentacije, kao dokaz da zadovoljavaju postavljene kriterije, će biti eliminisani iz konkurencije.

Služba za privredu i LER će na osnovu rezultata provedenog testiranja dostaviti Općinskom načelniku Prijedlog liste kandidata sa kojima će se sklopiti Ugovor o finansiranju troškova prekvalifikacije i edukacije u oblasti primjene informacionih tehnologija.

Sve informacije i uputstva za postupanje kandidata po Javnom pozivu će biti objavljivani na web stranici Općine Centar.

#### **Kontakt za dodatne informacije:**

Predrag Slomović, 033 562-347

Samir Širić, 033 562-333